

# الرشاد

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعه اسلاميه در  
اتبعون اهدكم سبيل الرشاد

صاحب و مدير مسئول : ح . اشرف ادیب



« و بوندن سوکره خادم الهی اولان یوشع (ع. م) - که تجارب وشجاعت عسکرینه سی بوقدر مملکتی فتح آیهلش ایدی - یوز اون یاشنده وفات ایدی [۲] »

محررین مشهوره دن بری (کتاب الیوشع) ده بیان اولنان وقایع تاریخیه حقنده کی فکرینی [۳] شویله اجمال ایدیور :

« کتابک ماهیتنه باقیلیرسه پک خشیث بخش ، پک ظالمانه در . ظلم و قتالک بر تاریخ عسکریدر ، وقایع مبسوطه شدت و وحشتجه ایلک کتابک محتویاته مماثل بولنیور »

مترجمی

علی رضا سیفی

## مَقَاتِلُ

### توحید و اتحاد

۱۴

معارضین توحیدی حیرتله ، ولهله دوشورن اونامتناهی فیوض اعجاز قرآندن بری و بلکه برنجینی دیناً ، مذهباً ، عرفاً ، طبعاً ، مزاجاً مختلف بونجه شرق و غرب اقوامک لواء الحمد توحید آلتنبه لسانلریله ، قیافتلریله ، اسلامیته منافی اولمیان بعض اخلاقلریله طویلانوب بنیان مرصوص کی متین ، غیر قابل تزلزل بر هیئت اجتماعی دینه ، بر ملت لاهوتیه وجوده کتیرملری ؛ بر کون اول معبود دیه حضورنده پرستش ایلدکلی آلهات اشجار و صنای کال نفرت و استکراه ایله پامال تحقیر و تذلیل ایتملری ، طریق هدایتده کنیدلرینه رفاقتدن امتناع ایدنلر ایله بوتون روابط قومیه و عرقیه لرینی ، بوتون حقوق قرابت و اخوتی اساسندن قطع ایدرک انلره مدهش بر نظر خصومت و عداوتله باقهلریدر .

بو مهر منیر حقیقتک انوار اعجازی قازیشینده یاراسا قوشلرینی تنظیر ایدیور . معلولیت وجدان ایله ، عمای بصیرتله ادراک حقندن محروم اولدقلرینی نه بیلینلر ! بر جامع شریفه کیریورلر ؛ باقیورلر ، که عرب ، ترک ، کرد ، آرناوود ، چرکس ، بوشناق ، پوماق ... الخ هر بری قیافت ملیه سیله ، ضررلر ، صفرلر تشکیل ایتش . هیچ بری قیافته باقیور ! هیچ بری قومیتانی خاطرینه کتیرمیور . هپسی برقبلیه متوجه ! هپسی بر امامه مقتدی ! هپسی براللهه راکع و ساجد . ده او کعبه توحیدک قاپسینده لباس قومیتلرندن تجرد ایتشلر . مجسم ، ذی حیات بر نور ایمان اوله رق ایجرییه کیرمشلر . شاشوب قالمغهده حقلمی واریا !

شمدی برده معبد تثلیثی نظر تفتیشدن کیرهلم . مثلاً : برروم اورتودوکس کلیسائی . بوکا بولغار ، عین مذهبدن ایکن کیرمز . یانندن بیله کچمز . رومده بولغارک اویله . صریلردن اولدقجه متور

اشکلرینی ، قویونلرینی ، چادرینی و مالک اولدینی هریشی آلدیلر . آنلری (آخور) وادیسنه کوتوردیلر ؛ بوراده خی اسرائیل آنلری طاشلرله رجم ایتدیلر و آکشه یاقدیلر [۱] .

بو مدهش محازاتک تطبیقندن سوکره ایلریله یوب بر خدعه حریبه سایه سنده (ئی) شهرینی ضبط ایتدی . « وئی حکمدارینی خی اسرائیل صاغ طوتوب یوشع (ع. م) ه کتیردیلر . ئی شهرینک بوتون اهالیسنی محاربه میداننده وصیقیشدیردقلری بادیهده قتل ایدب بیتیردیلر . بونلر قیلج آغزلیله بیتنجه خی اسرائیل (ئی) اوزرینه کلدی . و قیلجله محو ایتدی . اویله که : بوکون قتل اولنانلر اون ایکی یک کشی ایدی . چونکه یوشع (ع. م) ئی اهالیسنی کلیاً محو ایدنجهیه قدر آلی جکمه دی . و یوشع (ع. م) ئی شهرینی یاقدی ، آتی برکومه ، حتی بوقته قدر بر خرابه حاله کتیردی . ئی حکمدارینی ده بر آغاجه اصدی . سوکره یوشع (ع. م) خی اسرائیلک اللهه بر معبد بنا ایتدی . [۲] »

حضرت موسی نک خلفک بونی تعقیب ایدن سفری بش حکمدار طرفندن عقد ایدیلن بر اتفاق علیه ایدی . یوشع (ع. م) قوای متفقه فی مغلوب ایدوب « جیدعون » موقعنده تلفات عظیمه ایله محو ایلدی . « بش حکمدار قاجدیلر (ما که دع) ده بر مغاربه ضاقلاندیلر . یوشع (ع. م) مغارنهک آغزینه بویوک طاشلرک یورلانمسی امر ایتدی ، و بونلرک یاننه نظارت ایچین آدملر قویدی . دیدی که : دشمنلرکزک تعقیبنی بیتیرمه دجکه دورمایکز . ائک آرقه . قالانی اولدیرکز . آنلری شهرلرینه کیرمهک برافایکمز !

« بویلهجه یوشع (ع. م) ایله خی اسرائیل آنلری تلفات عظیمه ایله اعدام ایلدیلر . سوکره یوشع (ع. م) دیدی که : مغارنهک آغزینی آچکز وشوبش حکمداری دیشاری بکا کتیرکز ! آنلر (یعنی خی اسرائیل) بویله یابدیلر . بش حکمدار یوشع (ع. م) ک حضورینه کتیریلنجه اوبوتون خی اسرائیل جمع ایتدی و آنکله برابر کیدن محاربلرک قوماندانلرینه دیدی که : یقین کلیکر و آیاقلر کزی بو حکمدارلرک بوغازینه قویکز . اویله یابدیلر . سوکره یوشع (ع. م) بونلری اوردی ، قتل ایتدی و بش آغاج اوزرینه اصدی . [۳] »

بوندن سوکره یوشع (ع. م) (ما که دع ، لبنا ، لجیش ، اکلون هربوب و دیری) شهرلرینی ضبط ایدوب بونلردن هر برینی « قیلج آغزندن کچیروب ایچنده کی جانلری کلیاً افنا ایلدی . » و « بویلهجه یوشع بوتون تپهلرده کی ، شمالده کی وادیده کی و صولر یاننده کی مملکتلری ضبط و خراب ایتدی و حکمدارلرندن هیچ کیمسه یی صاغ برافایوب ضبط و افنا ایلدی [۱] » بوقته قدر شمالده کی حکومتلر رؤسائی خی اسرائیلک حرکاته قارشی برشی یایعاملردی . شیمدی بونلر طوفان استیلا و تخریبک کندی اوزرلرینه دوغرو یورلانمغه باشلادیغنی کوره رک نه قدر مغایر سیاست برطور و حرکت اتخاذ ایتش اولدقلرینی درک ایلدیلر و خی اسرائیل علیه قوتلی براتفاق وجوده کتیردیلر . یوشع (ع. م) بونلری بر هجوم ناکهانی ایله پریشان ایدوب تک بر محاربه نتیجه سنده بوتون خطه یی آله کتیردی ؛ ماغلوبلرک بارکیرلرینی محو و حرب عربلرینی تخریب ایتدی . بو حربیدی سنه قدر امتداد ایتش . آنجق قسم اخیری باشلیجه مستحکم شهرلرک محاصره و ضبطله اشغال اولمش ایدی . بومدت طرفنده (کنعانی ، عموری ، هیتی ، هیتی خرغاشیت ، پریمی و بیاسی) نامنده کی بش قوم تماماً آزلش ایدی . (کتاب الیوشع) ک ۱۲ نجی بابنده خی اسرائیلک سیف مظفریتی آلتنده جان ویرمش اوتوز بر حکمدارک اسملری م کورددر . فاتحله بعده ممالک مفتوحه یی تقسیم کیریشملردی . آنجق شایان دقت درکه : موقع قبائل اسرائیلیهیه . اصول عسکریه به مستد وظائف عسکریه مقابل تقسیم اولمش . بویلهجه عموم خی اسرائیل سفر بر اردوی دائمی حاله کیرمش در .

[۱] کتاب الیوشع . [۲] کتاب الیوشع - سکزنجی باب . [۳] کتاب الیوشع - اوتنجی باب



اولور. خرسیتان معبدی اورتودوقسه، قاتولکه پورتستانه آریلدینی کی  
برده رومه، بولغار، صربیه الخ انقسام اییدیور.  
برده ایسه دین حاکم مطلق، سلطان مطاع؛ حنفیسی، شافعیسی،  
مالکیسی، حنبلیسی، صوکر، عربی، تورکی، کردینی الخ جامعه  
صوقار.

«الله اکبر! الله اکبر»

زمزمه فلاح آورینی ایشیدن هر مسلمان نه عملده کی مذهبی،  
نهده عرقی، قومیتی دوشونور. درحال قارقار؛ دارالفلاحه قوشار.  
شریک صفتنه - کیم اولورسه اولسون - بر دین قاردشی، کندیشی  
کی بر مصلی، بر ساجد نظریه باقاراق یانته صوقولور. ظاهرده متنوع،  
متعدد فقط حقیقتده متحد بر کتله توحید و تمجید وجود بولور.

حیات انسانیت، شرف مدنیت نامنه بوندن علوی دلیلمی ایست؟  
تاجدار عاشقین جناب مولانا بویوریورلر، که:

کرتو صدسیب و صد آبی بشمزی  
صدماند یک شود چون بشمزی

یوز الما، یوز آیوا بونلری صای! صوکر! برده بونلری صیق!  
صولرینی بر قایک ایچنه دولدور. هایدی شمدی یوزالمای، یوز آیوایی  
بولده صای. هپسی قایک ایچنده غیر قابل انقسام و تجزی بر دریای معنی!  
ایشته جامعده کی صفارک ظاهری او آیوالر، او المائر، انلرک حقیقتی،  
زوحی او آیوالرک، او المارک قاب ایچنده کی صیقلمش صولری:

ده چراغ ارجع آری در مکان هر یکی باشد بصورت غیر آن  
فرق نتوان کرد نور هر یکی جوق نبورشی روی آری هر یکی

اون قندیلی بریره کتیریکز! صورتده - کرچه - هر بری دیکرینک  
غیری. فقط نورلرینک تفریق و تمیزی قابلمی؛ عینی نور، عینی ضیا،  
عینی ماهیت، عینی حقیقت دکلکی؛ هر قلب مؤمن بر مشکاة توحید؛  
ایچنده کی ده عینی مصباح ایمان.

بونی بر عربک لسانندن ایشیتدیککز کی عینیله - ایشته! -  
بر آنا وودکده خامه توحید پرستانه سندن او قورسکر! حتی هنوز  
بوکون اهتدا ایش بر فرانسرک، بر انکلزک، بر المانک آغزندن  
ایشیده جککزی نه بو حقیقتدر. زمزم ایمان ایله قلبی تطهیر ایدن هر  
هانکی بر موحدک سویله جکی بودر.

فقط نصرانیت حقنده هر خرسیتانندن عینی اعتقادی بکله میکز!  
چونکه هر برینک انجیلی باشقا! بناء علیه وجدانی، اعتقادی، آینی،  
معبدی ده باشقا!

بین تفاوت ره کز کجاست تا بکجا!

شمدی ثری ایله ثریا آراسنده کی بی نهایت تفاوت کلاشلی یا!

محمد فخرالدین

بر ذات ایله کوروشیوردم. قومشولری بولغارلردن بحث آچیلدی.  
حریفک سیاسی بر لوحه نفرت واستکراه شکلی آلدی. بوکا حیرت  
ایدر کی کوزوندیم. بونک اوزرینه آراسنده شو محاوره باشلادی:  
— موسیو! بولغارلره قارشی یچین بوقدر حدت و نفرت  
کوستریورسکر!

— اونلر بزم ابدی دشمنمزدرد.

— جانم! ایکی عنصرده بر اسلاو عرقندن دکلکی؛

— نهوت!

— یامذهبجه برکونه مغایرتکر وارمی؛

— خایر!

— ایکیکزده اورتودوقس دکلکی؛

— نهوت!

— عرق بر، مذهب عینی اولونجه صربک بولغارلردن، بولغارک  
صربدن نه فرقی قالیر؟ بولغار، صرب؛ صرب، بولغار...

سوز بورایا منتهی اولونجه مصاحبم چیلدیرمش کی بر دین برندن  
فیرلادی قالقدی. مهتر بر صدای عصیتله:

— رجا ایدرم! بکا چینکانه دیه خطاب ایدیکز، راضییم؛ فقط  
بولغار دیمیکز!

روح، «والقینا بینم العداوة والبغضاء الی یوم القیامة» بر اعدای  
توحید آراسنه فردای حشره قدر یانوب دوراجق بر آتش بغض  
وعداوت القا ایتدک. ایشته اونلر او آتش ایچنده یانوب قاورولیرلر.  
سوره جلیلہ مائده «مژده الیهیسی نوننده بر دهها سجده اطمنانه  
قاباندی.

خرسیتانلقده قومیت، عرق، حتی او قومیتک، او عرقک بر  
فصیله سی بیله مذهب غلبه اییدیور. بولغار، صرب اسلاو و اورتودوقس  
اولدقلری حالده یکدیگرینه ازلی دشمن. هله روم بیک کره اورتودوقس  
اولسه یته نافله! صوکر! بونک اورتودوقسه قارشی برده قاتولیکی،  
پروتستانی وار. عین مذهبلر آراسنده بر جوق منفرد اعتقادلرده وار.  
خرسیتان فلسفه دینی او قومله ده او طوفان اختلافی، اوشکلیدن شکله  
کیرن امواج اعتقادی کورملی!

فتحندن اول پایادردنجی نژندن استانبوله بر هیئت رهبانیه کوندیرر.  
بونک وظیفه سی شرق و غرب کلیسالرینی تألیف(?) ایتک. ایمراطور  
قوستانتین بو تألیفی مملکتک سلامتی(!) نامنه پک آرزو ایدر. طرفین  
روحانیلری آیاصوفیه ده اجتماع ایدرلر.

روملرده بر ولوله حدت و غضب قوپار. بمضیلری عاداتا جنت  
درجه سنی بولور. اوستلرینی، باشلرینی پیرتاراق، صاحبلرینی،  
صقاللرینی یولارق معبددن چیقارلر و آوازلی چیقدینی قدر:  
«سیندیر شاپقه لی قاتوله، میسیونرلری کلیسامزده کورمکدن قاووقلی  
تورکلری کورمک بزم ایچین بیک کره اهوندرد!!» دی یه باغیرلرلر.  
روح حقیقتدن محروم بر دینک معتقدلری ایشته بویله یوزبیک پارچه